

N გ-23-03/962  
01/05/2023

962-გ-23-03-2-202305011751



შპს „ტელეიმედს“

საქართველოს ზოგადი ადმინისტრაციული კოდექსის 95-ე მუხლის მე-2 ნაწილის შესაბამისად, გატყობინებთ, რომ **2023 წლის 4 მაისს, 15:00 საათზე**, გაიმართება საქართველოს კომუნიკაციების ეროვნული კომისიის (შემდგომში „კომუნიკაციების კომისია“) სხდომა, სადაც განიხილება შპს „ტელეიმედის“ მიმართ ა(ა)იპ „საქართველოს რეფორმების ასოციაციის“ საჩივრის განსახილველად მიღების თაობაზე საკითხი (საფუძველი: ა(ა)იპ „საქართველოს რეფორმების ასოციაციის“ 2023 წლის 20 აპრილის საჩივარი (კომუნიკაციების კომისიაში რეგისტრაციის Nშ-23-6/1315).

გაცნობებთ, რომ საქართველოს ზოგადი ადმინისტრაციული კოდექსის 98-ე და 99-ე მუხლების შესაბამისად, თქვენ უფლება გაქვთ კომისიაში წარადგინოთ მტკიცებულებები, აგრეთვე შუამდგომლობები საქმის გარემოებათა გამოკვლევის თხოვნით, გაეცნოთ ადმინისტრაციული წარმოების მასალებს, მოითხოვოთ ადმინისტრაციულ წარმოებაში არსებული დოკუმენტების და სხვა მასალების ასლები.

დამატებით გაცნობებთ, რომ კომისიის სხდომები იმართება დისტანციურ რეჟიმში. კომისიის სხდომაზე დისტანციურად დასწრების მიზნით, გამოგეგზავნებათ სპეციალური ბმული (ლინკი), კომისიისთვის ცნობილ და თქვენს მიერ დაფიქსირებულ ბოლო ელ. ფოსტის ან/და მობილური ტელეფონის ნომერზე. შესაბამისად, გთხოვთ, კომისიის ოფიციალურ ელ. ფოსტაზე (post@comcom.ge) მოგვაწოდოთ თქვენი საკონტაქტო მონაცემები (ელ. ფოსტა, მობილური ტელეფონის ნომერი), წინააღმდეგ შემთხვევაში, კომისია იხელმძღვანელებს მის ხელთ არსებული ბოლო საკონტაქტო მონაცემებით, რომელზეც შეტყობინება ჩაითვლება ოფიციალურად გაგზავნილ შეტყობინებად, ყველა თანმდევი სამართლებრივი შედეგით. ამასთანავე გაცნობებთ, რომ კომისიის შესაბამისი

შეტყობინებები და გადაწყვეტილებები ამავდროულად გამოქვეყნდება კომისიის ოფიციალურ ვებგვერდზეც ([www.comcom.ge](http://www.comcom.ge)).

გთხოვთ, უზრუნველყოთ თქვენი უფლებამოსილი წარმომადგენლის მონაწილეობა კომისიის სხდომასა და ადმინისტრაციულ წარმოებაში. ამასთან, გაცნობებთ, რომ კომისია უფლებამოსილია საკითხი განიხილოს და მიიღოს გადაწყვეტილება სხდომაზე წარმომადგენლის დასწრების გარეშეც.

დანართი:

1. ა(ა)იპ „საქართველოს რეფორმების ასოციაციის“ საჩივარი თანდართული დოკუმენტაციით (Nშ-23-6/1315; 20.04.2023);
2. კომუნიკაციების კომისიის წერილი მ. რეხივაშვილს (N გ-23-03/908; 24.04.2023);
3. ა(ა)იპ „საქართველოს რეფორმების ასოციაციის“ მიერ გაცემული მინდობილობა.

ირაკლი ბუთბაია

ი. ბუთბაია

დეპარტამენტის უფროსი  
იურიდიული დეპარტამენტი

